



UNIVERSITÄTS-  
BIBLIOTHEK  
PADERBORN

**Roma Sancta sive Benedicti XIII. Pontificis Maximi &  
Eminentissimorum & Reverendissimorum S. R. E.  
Cardinalium Viva Virtutum Imago Æri & literis in  
perennaturam Virtutum memoriam incisa**

**Conlin, Johann Rudolph**

**Augustæ Vindelicorum, Anno MDCCXXVI**

**VD18 10209328**

Benedictus XIII. Summus Pontifex. Creatus XXIX. Maji Anno 1724.

---

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)



# BENEDICTUS XIII. SUMMUS PONTIFEX.

Creatus XXIX. Maii Anno 1724.



Jove, ut ajunt, principium : à Benedic-  
to XIII coelitus dato Pontifice Maxi-  
mo nostri rudimenta laboris. Natus est  
Benedictus Patre Ferdinando Ursino Gra-  
vinæ Duce, magni nominis principe, &  
Matre Joanna Frangibana Grumenti Du-  
cissâ raræ virtutis, quam species com-  
mendabat, matronâ Anno 1649 2 Fe-  
bruarii. Ipsa etiam nativitatis dies, Pu-  
rificatæ Virgini sacra, satis dilucidè in-  
nuere videbatur, principi soboli puram  
animam fuisse inspiratam, eamque in lu-  
cernam ardentem & fulgentem aliquando

exarsuram, quæ supra Ecclesie Candelabrum, maximo orbis orthodoxi bono  
esset reponenda. Prosperum omen vel ipso nomine confirmatum est,  
quod Ursino, Sacris Lustralibus Undis abluto, inditum ; nam Serenissimo-  
rum parentum iussu Petrus Franciscus vocatus, videri potuit, cognomine  
Apostolorum Principe manum porrecturo, in ejus cathedram aliquando  
ascensurus, quam dignitatem *divus Franciscus*, cuius non minus nomine  
gloriabatur, Nicolao Ursino adhuc tenello infantulo spiritu verè fatidico  
ante sena sœcula prædixerat. Enimvero Ursinæ familie decus universam

A

pene

pene Europam ab antiquissimis retro temporibus complexa est. Ex eâ in Romanum solium scandentes triplici tiarâ condecorati sunt Stephanus III anno 752. Paulus I ejus frater anno 757. Cœlestinus III anno 1191. & quem supra nominavi, Nicolaus III anno 1277. Ad Sacrum Cardinalium collegium, non pauciores quâm quadraginta ex Ursinîs, ceu virtutum odore fragrantes in Ecclesiæ hortum flores delibati fuerunt; immò quæ specialis Domus Ursinæ prærogativa videtur, primus, qui quidem Cardinalitia dignitate fullerit, à nonnullis Ursinus fuisse perhibetur. Gloriatur nostra Germania, delibatae nobilitatis fæcunda parens, suo e sinu tredecim Ursinos Marchiones Brandenburgicos, & septem præpotentes Saxoniae Duces, præter complures Marchiones Badenses, & Ordinis Teutonici ac Melitensum summos Magistros prodidisse. Immò Augustissima Domus Austriae, quam Deus felicitatis diribitor æquissimus velit esse perpetuam, ad Anicos & Ursinos à compluribus rerum Germanicarum scriptoribus refertur. Ex Ursinîs militari sago præclaris eminere visi Camillus dux suo ævo nulli secundus, qui scandentem Romæ moenia Borbonium haud dubiè retardasset, si idem, qui duci animus, Romanis metu torpescientibus fuisset. Nicolaus Ursinus periclitantem Rempublicam Venetam, & pene in novelâ, ut ajunt, acie positam, suâ virtute unicè servavit, erectâ in ejus honorem in publico forô statuâ, ut vel elingue marmor satis eloqueretur, Reipublicæ Venetæ servatæ decus, in quam integra Europa armabatur, opus Ursinorum esse. Virginius Ursinus Pontificiarum copiatum ductor Ecclesiæ hostes tantis cladibus dedomuit, ut concilium Basileense palmarem hunc ducem unicum afflictæ Italæ asylum magnificentissimo tantæ virtutis testimonio proclamârit. Verùm neque in solis viris Ursinæ decus familiæ hæsit; eas insuper heroinas progenuit, quas tota avide Europa prensaret: Orientis Dominos, Galliæ, Angliæ, Scotiæ, Daniae, Nordvvegiæ, & Sueciæ reges, nec minus qui in Poloniâ, Hungariâ, Regnô Neapolitanô, & Theslaliâ sceptrum moderabantur, Ursinæ Domus affinitatibus fuisse innoxios legimus: prout & id ex Ursinorum fastis verè vastis & magnificis in comperto est, ex Imperatorum & Europæ Regum aulis ad Principes Ursinos non pauciores quâm duodecim regales sponsas fuisse deductas, quæ claritatem generis sui non minus in Ursinam stirpem intulerunt, quâm se inde nobilitas admirabili virtutum refluxu senserunt. Planè Ursinum esse, & sanctimoniam aut virtutibus non vulgaribus inclarescere perinde habetur. Quid multis? Unica Ursinorum stirps rarâ & prodigiosa felicitate jamduum duodeviginti Sanctos, publico Ecclesiæ ritu celebrandos, coelis transmisit. Inter eos fuere Joannes & Paulus, nobilissimi ex prosapia Ursinâ Romani, qui ob Christi cultum sub Juliano Imperatore capite plexi, sanguineis characteribus Ursinorum nomen immortalitati consecrârunt: Inde pariter prodit Divus Patriarcha Benedictus, qui Sanctis monachis orbem denique implevit universum; nec minus soror ejus Diva Scholastica, integrum Sacrarum Virgiñum Chorum post se trahens: eo etiam sanguinem referunt Mathildis regina Franciæ: Ursinus presbyter: Thomas Aquinas admirabile illud Ecclesiæ lumen, ex probabili multorum opinione ex stirpe

stirpe maternâ: *Adalbertus & Gaudentius* Episcopi Pragenses: *Ioannes Episcopus Aprutii* in regno Neapolitano: *Bernardus Episcopus Traguriæ* in Illyrico: *Valerius Episcopus Nuceriaæ Paganorum* in Apuliâ: *Iordanus, Mathæus, & Latinus* Sacrae Romanae Ecclesiæ Cardinales: *Paulus I. Pontifex Maximus*; & præter complures alios Benedictus Patriarcha Monœci, Sacri Ordinis Cisterciensium splendidissimum gemma, cuius honoribus à *Sanctissimo Pâtre nostro* datum dicitur, ut in *Cathedram Petri* vocatus, fausto omne nomen *Benedicti* assumeret. Jam ut eò, unde aliquantum divertit, narratio regrediatur, *Petro Francisco Ursino* adhuc quadrienni infantulo unicè volupe erat, Sacrae Dominicanæ familie habitu vestitum incedere; & eatenus vestiri famulatam ephebolorum manum volebat, iis non nunquam tenella manti benedicere visus. Credidisse Cyrum inter æquales ludere, & innocuo lusu orbis regimen, veluti anticipato dominatu, præcipere. Serenissimi agnati solliciti, ne is regendis subditis natu princeps, qui præter *Gravine* ducatum in spem *Principatus Bracciani* veniebat, præpropero consilio ad coenobiticum institutum abriperetur, nullum non lapidem movebant, ut præfervidam ejus indolem in alia studia matrè traducerent; sed animis illius post primam veluti tincturam ejus Sacri ordinis desiderium tam altè imbibébat, ut neque agnatorum dehortationes, nec aularum illicienda, nec amplissimum, quod offerebatur, patrimonium, hanc ei mentem excutere potuerit. Verùm dum aperto Marte res minùs procedebat, bonus hic miles Christi ad stratagemata convertebatur; Hinc nihil minùs agere visus, quām quod quām maximè agebat, à Serenissimis parentibus, duodevigintum annum vixdum egressus, facultatem rogabat, ceteras Italiae regiones peragrandi, ut quibus legibus & moribus gentes viverent, natus regendis populis princeps, mature dignosceret. Ast Venetias appulsus, dissimulatione deposita, ad monasterium *Sandi Domini de Castello* dictum se oxyus contulit, & ardentissimis precibus, quibus suasorias lacrymas addebat, denuique effecit, ut à Patre *Vincentio Maria Gentili* tune temporis *Ordinis Prædicantium* per Lombardiā Provinciali, postea ob egregia merita in Archi-Episcopum Januensem electo, ad sacrum noviciatum generosus tyro Anno 1667 admitteretur. Hoc pium adolescentis propositum ubi ad suorum aures delatum est, statim in eo revocando toti erant, & veluti ultimum arietem admoturi, suos questus ad Clementem X. Pontificem Maximum deferebant, enixè flagitantes, ut summam suam autoritatem interponeret, & sibi, subditis, ac saeculo adolescenti, non utique in cucullum, ut ipsi quidem augurabantur, progenitum restitueret. *Summi Pontifex*, ne intensissimis eorum precibus omnino durum se præberet, principem adolescentem Romam ad se advocavit, penitus indagaturus, an solo salutis in tuto collocandæ desiderio, aut potius juvenili quopiam & præcipiti cœstro impulsus monasticae disciplinæ se mancipasset. Affuit ille; & veluti cœlesti afflatus spiritu ea mentis constantia, eo verborum gravissimorum potideré, ac animi undequaque imperterriti impetu, facti sui rationem reddidit, ut ipse Pontifex, cœlestè quidpiam in ejus vultu digitoscens, in summam admirationem

raperetur ; Tantùm absfuit, ut à pio proposito eum dimoveret, ut potius ei clementissimè indulserit, ut post semestrem probationem, in quâ generosus Tyro absolutum jamdum militem egerat, ad Sacram professionem admitteretur, ne esset, qui pio ejus proposito moram injiceret, aut coelestem adolescentem non processuris technis ultra inquietaret. Ei certè in delitiis erat, primogenituræ prærogativâ ocyus se abdicare, & jus omne principatus in secundò genitum fratrem transferre, ut omni mundi fastu penitus calcato, *Deo liberiùs inserviret.* In Sacro ordine *Vincentius Maria* (eo enim nomine Sacrae Familiae adscriptus vocari voluit) tam admirabilem progressum fecit, ut perfecti Religiosi ideam undequaque exprimeret ; & quandoquidem cum summis virtutibus prorsus eximiam in Theologiâ Mysticâ & naturali doctrinam conjungeret, oppidò docuit, quâm bellè virtus, doctrina & nobilitas in eodem subiecto subsisterent, & una pulchra qualitas mirâ sympathiâ, sibi adjumentum ab altera mutuaret. Cùm igitur *Vincentius Maria* tantis meritis in claresceret, præfatus *Clemens X. Pontifex Maximus* permotum se sensit, ut tantæ virtutis sydus in *Sacrae Romanae Ecclesie* Horizonte collocaret ; Hinc eundem *Sacro Purpuratorum Collegio* anno 1672. die Cathedræ Divi Petri Antiochenæ sacrâ adlegebat. Sed quantæ molis erat, refugientem ab eo honore animum expugnare ? quanto illi facilius erat, avito principatu paulo ante se abdicare, quâm modo purpuram, ultrò oblatam, acceptare ? quâm fervidâ, nihil tamen valitûrâ facundiâ hunc à se honorem amoliebatur ? Bononiae tunc erat, cùm eo se nuntio non tam recreatum, quâm medullitus concussum sensit ; & veluti undequaque indignissimus, & huic oneri ferendo impar, *Pontificem* humillimis literis summopere contestabatur, ut hoc *Sacrae Purpure* honestamentum in alium, se denique dignorem transferre dignaretur, & meliores inventurus, quos in publicam lucem protraheret, sibi permitteret, ut in Sacro suo recessu solus habitaret, nec ad ulla altiores curas cum animæ suæ dispendio traduceretur ; verùm quâm ille tardus in accepando, tam constans *Pontifex* in deferendâ *Sacrâ Purpurâ* existebat. Cujus hæ demum ad *Vincentium Mariam* datæ literæ exstant.

### DILECTE FILI NOSTER, SALUITEM ET APOSTOLICAM BENEDICTIONEM.

**E**A quâ par est animi admiratione Suspeximus religiosæ humilitatis præstantiam, quâ Cardinalitiam dignitatem, nostræ tantummodò in Ecclesiâ secundam, recusare cogitâti, eximiâmq[ue] pietatem tuam prolixis laudibus prosecuti, accuratas Divinæ bonitati gratias egimus, quæ tam præclaros, ut ex literis ad nos datis patere videtur, cordi tuo sensus impertiri dignata est. Examinanda tamen, atque ad trutinam pensanda ducimus ejusmodi consilia ; quandoque enim sub amictu lucis princeps tenebrarum latet, mentitâque melioris boni specie, divinæ gloriae incremento resilit. Sententia quoque nobis fuerat, oblatum infirmitati nostræ *Pontificatus Maximi* pondus omnimode declinare, profusisque in id precibus & lachrimis vehementer incubuimus ; subjecimus verò tandem voci Dei, per Cardinales nos alloquenti, voluntatem nostram, onerisque Angelicis etiam humeris formidandi gravitatem impares licet subire passi sumus. Eadem quoque sequenda à te in præsenti vestigia, pronâsque loquenti in nobis *Spiritu Sancto* præbendas satius aures, esse consultum

in Domino reputantes autoritatem, quā nos in terris Christus donavit, præcipimus hinc tibi, dilecte fili noster, ut dignitatem, quā te universa urbe plaudente nuper insignivimus, omnino acceptare velis, jucundius ita Pontificij sempiterno sacrificium, inclytam nempe animi tui repugnantiam, ingenti cum foenore meritorum oblaturus. Nec ullus nobis dubitandi locus esse potest retardaturum te ad præstandum mandatis nostris, ut perfectum Religiosi instituti sectatorem decet, debitam obedientiam à metu, ut scribis, amittendæ salutis aeternæ: Damnabile nimurum summopere foret, adeò turpem maculam inferre *præclarissimo Ordini*, à quo tot tamenque illustria Christianarum virtutum exemplaria prodierunt. A pluribus itaque abstinentes à perspecta probataque pietate tua hujusmodi solatium prorsus expectamus &c. &c.

Eodem tempore Bononiæ adventabat Reverendissimus *Thomas Roberetus* Generalis Ordinis Magister, amicam pariter vim inferens, ne honorem, Pontificis voluntate delatam, refragariā modestiā porro abnueret. Tandem aheneus ille adversus honores murus, tot machinis impellantibus, expugnatus est, & quantum humilitatis Studio purpuram prius aversabatur, tantum urgente obedientiā à renitentiā desistebat, cum Paulo gentium doctore credens, DEO RESTITURUM, QUISQUIS ORDINATI<sup>N</sup> RESISTERET; eam præcisè gratiam rogavit, & Summis precibus demum obtinuit, ut quandoquidem subesse, non præesse aliis vellet, sub potestate sui Ordinis, cui se unicè devovisset, Purpuratus Dynasta perpetuò maneret; Planè ex toto illo tempore alias nunquam vestes sive intimas sive extimas admittebat, nisi quibus fratres sui Ordinis, quibus se per omnia similem haberi volebat, utebantur; etiam cùm in locis moraretur, ubi solares radii ardentiū pungerent, de habitu nihil unquam remittebat: quidquid circa jejunium, & ciborum abstinentiam, atque vigilias sui ordinis regulæ dictitabant, ea omnia ad amissim, ne latum quidem unquam ab iis discedendo, observata à semet volebat. Inde etiam provenit, ut Sacrum Ordinem suum, ceu plantarium, in quo summi denique viri excrescerent, summopere foveret; quem etiam amorem suum in reliquos ordines profusissimā charitate ita exsplicabat, ut solem imitari videatur, suos radios in cunctos benefico influxu largiter dispensantem. Anno 1675. Episcopatum Manfredoniæ in Apuliâ à Clemente X. acceptare jussus est. Postea Innocentius XI. Clementis successor eum Cæsinæ Episcopatui in Romandiâ Sanctus Sanctum præesse voluit. Denique anno 1686. ad Beneventanum Archiepiscopatum in regno Neapolitano, ab eodem Innocentio XI transferebatur. In iis Episcopatibus, qualem se exhibuerit, publica monumenta satis loquuntur. Quidquid ex Ecclesiasticis redditibus seponere licuit, patrimonium pauperum fecit, probè memor, se ex stirpe materna *Magni* illius Jordani posterum esse, qui cùm ante annos plus mille, Tybri exundante, maxima fames in agro Romano grassaretur, largo pane suis manibus suppeditato, inediâ pene confectos refocillabat; hinc cùm pauperibus panem frangeret, *Frangipani* nomen non modò ipse sortiebatur, sed in totam Illustrissimam Prostapiam suam, non intermoriturā tantæ beneficentiae memoria transplantaverat. Idem Vincentius Maria in hospitalibus frequens, quos omnium miserrimos esse

comperit, propius invisit. Moribundos *Sacra Exomologesi* ipse met expiavit, & ad longinquum iter Sacrō Viaticō eosdem instruxit. Teneram juventutem rudimenta fidei omnibus omnia factus edocuit. Agrestium mappalia, & vilissima quæque tuguria præ palatiis adire in delitiis habuit. E suggestibus æquè ac in patentibus campis auditus est non nunquam pluries eadem die efficacissimè ad confluentem populum verba facere. Ecclesias centum & nonaginta, vir pro cultu divino promovendo Zelosissimus, sua manu consecravit. Monasteriorum & Sacrarum ædium magno numero exstructor aut reparator exstitit. Ecclesiasticam disciplinam, coactis provincialibus conciliis, quibus 24 Episcopi ejus Suffraganei interfuerant, conservavit. Commissas sibi provincias ita rexit, ut Sanctissimis legibus instruerentur cives, optimis artibus florerent urbes, & singulorum ædes pietatis denique domicilia evaderent. Ad hanc Spartam suam tam benè ordinandam librorum adjumento ut plurimum utebatur; Nam non pauciores quam viginti Sex insignes tractatus, quorum quidem numerum nobis Germanis iniire licuit, à tantò Virō conscripti inter doctorum manus versantur; inter quos principem locum obtinere videtur Commentarii in Sacram Scripturam: Ecclesiæ dogmatum exspliatio: Regulæ ad rectam Sacramentorum administrationem & participationem: Historia Conciliorum Provinciæ Beneventanæ, & in eam notæ. ExsPLICATIO Ecclesiasticæ disciplinæ antiquæ & recentioris: Tractatus Theologiae Moralis, in quo medio tramite incedit, & molliorem æquè ac Severiorem agendi rationem, æquissimâ trutinâ cuncta examinando, minùs probat: Quingenta insuper illa elogia, in laudem *Magne Matris* suaviter concinnata, Vincentium Mariam virum, verè Marianis ignibus æstuantem comprobant. Politiorum etiam literarum studia, eā in re Gregorium Nazianzenum & Divum Paulinum secutus, neutiquam neglexit. Poeticos etiam, sed planè innocuos lusus non nunquam interpoluit; prout multa ejus epigrammata, pietatem christianam undeque redolentia existant. Quis igitur ex hucusque relatis non denique concludat, *Vincentium mariam ANTE DEUM MAGNAS VIRTUTES OPERATUM ESSE, ET OMNEM TERRAM DOCTRINA EJUS REPLETAM FUISSE?* Verum enimvero si mihi per Maximini hujus Pontificis modestiam liceret, pene ad miracula proclamarem; eloquar tamen, qualitercunque se res habuerit: Nam Dei, ejusque Sanctorum in nos beneficia posterorum memoriæ Subtrahere velle, esset utique animi, cœli in nos beneficentiam non satis ex æquō agnoscentis. Contremuerat urbs *Beneventana*, terræ motibus horrendū concussa, & magnâ ex parte diruta: Ipsæ ædes Archiepiscopales, dehincenibus compagibus corruerant, suâ ruinâ *Archiepiscopum* haud dubiè oppressuræ, nisi præsentissimâ cœli ope Servatus fuisset. Ne quid nimium in tantâ re affirmare videar, ipsius Vincentii Mariæ verba, testis utique omni exceptione majoris, nihil addendo, demendo nihil, in medium adduco. Percipe amice lector non unum, sed coacervata veluti miracula: ita autem verba sonant.

Ad

Ad honorem Dei Omnipotentis, Beatissimae Virginis Mariae Dominae nostrae, gloriosique Sancti Philippi Neri; Ego Fr. Vincentius Maria Orsini Ordinis Predicatorum, infelix peccator, & ex Divinâ patientia Sacrae Romanae Ecclesiae Presbyter Cardinalis tit. Sancti Xisti Ecclesiae Beneventanae indignus Archiepiscopus, testificor etiam cum juramento, circumpositis Sacris Evangelii, qualiter adveniente propter mea peccata terrae motu in mea civitate Beneventana die Sabbathi quinti Junii anni 1688. vigiliâ Sacratissimae Pentecostes, hora vigesima cum dimidiâ, dum eram in meo cubiculo posito in superiori parte mea domus Episcopalis simul loquens cum quodam nobili Duceesano, exspectans nuntium, ut descendenderem ad vesperas in Ecclesiam, supradictum metum cubiculum corruit vi terrae motus, & pavimentum, ubi eram, etiam corruit cum cubiculos, quod erat subtus, quod etiam ex parte corrut, & ego cum supradicto nobili cecidi usque ad cameram horreis, & fuimus cooperati saxis omnium aedificiorum, quae supra nos delapsa sunt, varia tamen fortuna; nam ille remansit extinctus, & ego illatus evasi, caput meum defendantibus aliquibus arundinibus, quae supra me fecerunt quasi tectum sufficiens ad cooperiendum caput, & ad commode respirandum. In cubiculo, ex quo cecidi erat armarium ex nuce plenum Scripturarum, in quo custodiebam involutas omnes imagines, exprimentes historicæ actæ celebriora vitae Sancti mei Protectoris *Philippi Neri*, cum proposito illas collocandi in domo, quam aedificaveram extra civitatem in loco dicto la pace vecchia. Idem armarium confedit super illud fragile tectum arundinum, quod cooperiebat caput meum, sicuti dixi; quamvis clavum fuisset clavi, apertum est ex se ipso, & exierunt imagines repræsentantes vitam Sancti, quae omnes me circumdederunt, & sub capite erat illa, quae repræsentabat Sanctum orantem, videntem *Beatissimam Virginem* sustinentem trabem veteris Ecclesiae Vallicellanæ, quae exierat e loco suo. Supra dictum armarium ceciderat ingens superliminare marmoreum magni ponderis, & hoc non obstante, per totum spatium temporis, quo sepultus remansi inter ruinas, non sensi molestiam, non pondus, non gravitatem: Immò ex speciali gratia, continuò voce alta potui recitare aliquas preces, semper habui liberum rationis usum, commendans me Deo & Sanctis cum firmissimâ fide de mea liberatione. Afferunt mei familiares, me fuisse inter ruinas sepultum spatio unius horæ, aut horæ cum dimidia; sed mihi ex novâ gratia visus sum permanuisse tantum spatio unius quadrantis. Interim venit Pater Lector Bottinacorsi Ordinis mei vocans me supra illum cumulum saxonum, & statim ipsum audivi, ipseque vocem meam pariter audivit, licet non clarè diagnosceret verba mea, & simul cum D. Canonicô Paulo Farella incepérunt me ex ruderibus educere: inde supervenerunt alii duo, quorum auxilio e saxis me extraxerunt, & est speciali animadversione dignum, quod ipsis operantibus, lapides se juncti, præcipitesque cadentes, nec ipsis nec mihi noxam aliquam intulerunt. Posteaquam extractus fui ex ruinis, supradictus Canonicus sub capite meo invenit memoratam imaginem Sancti mei Patroni, & alter statim cum me vidit, casu accepit unam ex imaginibus predictis, quae circum me erant, & mihi illam præbuit, ut deoscularer, & inveni illam esse imaginem repræsentantem miraculum, quod Sanctus à morte vivum excitavit Paulum de Maximis; & ita fui ex ruinis extractus, & abductus extra portam civitatis cum multis vulneribus in capite, in manu dexterâ, & pede dextero, & tamen vulnera nullo dolore me afflixerunt; immò eadem vespera accepi præ manibus sacramentum Eucharistiaæ, sermonem habui ad populum, & infirmo administratus sum Viaticum; solum oculi ex multitudine rudrum, quae supra me ceciderunt, fluxione fuerunt afflicti, quae licet cum aliquo incommodo visionis, fuit tamen sine dolore. Beneficia Sancti mei intra hos limites non continentur, quoniam servavit à ruinâ quasi totius meæ Domus Episcopalis totam numerosam familiam meam, omnes officiales, ministros, satellites, & Executores mei tribunalis, omnes hospites & Curiales; unus tantum servus à pedibus interiit, qui extra domum erat, & in Episcopali domo mortui remanserunt solum pauci exteri, qui non advenerant occasione mei tribunalis. Liberavit pariter Sanctus Dominus Presbyteros Congregationis Missionis, à me vocatos in civitatem, & cum ipsis

ipſis omnes Seminarii Alumnos, quamvis lapsum fuerit seminarium; quocirca ad gloriam mei Sancti dicere possum: quos dedisti mihi (ſiquidem ipſi reſero accep-  
tum honorem Archiepiscopatus) quos dedisti mihi, repeto, non perdidi ex eis  
quemquam; Voluit enim Sanctus renovare in me indigniſſimo Epifcopo, quod ac-  
cidit Ao. 587. Antiochiae occaſione terribilis terrae motus, qui occidit ſexaginta  
millia hominum, quum Epifcopus Gregorius cum ſuis eſſet liberatus, licet domus  
eius, ſicut mea, cecidiſſet. Ulterius inter ruinas omnium aedificiorum meæ ci-  
tatis meus Sanctus conſervavit Archivum Epifcopale, Cancellarium, Cameras Vi-  
carii, in quibus erant multæ ſcripturæ, Bibliothecam Capituli Metropolitani, in  
quâ inveniebantur Scripturæ majoris momenti meæ Eccleſiæ. Ad majorem mei  
conuſionem perfeverant ſuper me misericordia mei Sancti; quoniam cùm die Ve-  
neris 18. currentis mensis Junii veniſſem ad venerandum ejus Sacellum in Ec-  
cleſia Patrum Oratorii Neapolis, exiens ex illo ceciderunt ē capite meo omnes  
crux vulnus, & omnia complanata manferunt, quamvis in vulnere ſupercilii  
eodem die veneris mane fuſſet inventa ſanies; & in oculis hodie die Martis 22.  
Junii ex benedictione mei Sancti multum convalesco, firmiter sperans, quod meus  
Sanctus, quod coepit, perficiet contra exſpectationem trium celebrium medico-  
rum, qui ex inspectione oculorum meorum poſt prædictum infortunium putabant  
eos eſte taliter laefos à ruderibus, ut præter fluxionem jam cecidiſſet in ipſos ve-  
lamen quoddam, vi cuius infirmitate oculorum laborare continuò debuiſſem, ut ex  
attributionibus eortundem infra scriptis appetat. Hinc ex fiduciā, quam ſemper fir-  
mam habui erga meum Sanctum, reſpuens uſum remediorum naturalium ex ſola  
applicatione Reliquarum ipſius experior valetudinem prædictam, & à primo introi-  
tu, quem feci in ejusdem Sacellum vespere prædicti diei decimi octavi currentis  
mensis, non valens uſtineſſe uſque ad illud tempus viſum etiam parvæ facis accen-  
ſæ, exi ab illo geſtant in manibus cereum quatuor lumen abſque laefione etiam  
parva in pupillis. Quare ad perpetuam memoriam maxiſi beneficij, quod San-  
ctus elargitus eſt mihi, & ad gloriam ejusdem, qui erga me miſerum peccatorem  
operatus eſt tam grande miraculum & tot excelsa prodigia, & ut in dies magis cre-  
ſcat devotio populoſum erga tam beneficium & benignum Protectorem, ſupra-  
dictam narrationem registravi, & ſigillo firmavi, ne de ejusdem validitate quis du-  
bitare poſſit.

Dat. Neapoli in meo conuentu S. Catharinæ apud formellum die Martis 22.  
Junii 1688.

Fr. Vincentius Maria Cardinalis Vr-  
ſinus Archiepifcopus Beneven-  
tanus

## Loco ✕ Sigilli.

Dinus Secretarius.

E GO Doctor Medicus Physicus Vincentius Grisconius attēſtor & confirmo, quan-  
tum in retroſcripta relatione narratum fuit ab Eminentissimo D. Cardinali Ur-  
ſino circa ſuam indispositionem oculorum.

Ego Doctor Santolus Sica Chirurgus & Medicus ocularis attēſtor & confirmo,  
quantum ſupra narratum eſt ab Eminentissimo D. Cardinali circa ſuam indispositio-  
nem oculorum.

Ego Doctor Physicus Fridericus Mennini attēſtor & confirmo, quantum ſupra  
narratum eſt ab Eminentissimo D. Cardinali Ursino circa indispositionem ocu-  
lorum.

Ne-

Neque etiam illud, ut ad narrationem regrediar, absque speciali Dei auxilio factum videtur, quod hujus Viri solertissimam aequem ac piissimam industria *Divi Bartholomaei* corpus, quod temporum injuria quam diutissime incognitum iacuerat, reinventum, & certis agnitus indicis in Sacras Aras repositum fuerit. Quid igitur mirum, aut cui per Europam inexpectatus nuntius venit, *Vincentium Mariam Ursinum ad Cathedram Petri* vocatum? & Sacrae Romanae Ecclesiae Cardinales tunc demum post inita aliquot scrutinia convenisse, cum unanimibus calculis in eum non tam irent, quam *Divina* quadam *Inspiratione* abriperentur? Enimvero soLVs DeVs eLegIt OrsInVM In CapVt orbIs; & videbatur S. Mater Ecclesia, cum Cellam suam electurus intraret, ea Boozi ad Ruthen verba ante ejus fores irrefragabili testimonio affixisse. Ego te absq; Ve VL La DVbItatIone sVsCIPlaM. Eo humana Oracula, quae tamen Divinitus inspirata videntur, jam dudum de ipso edita collineabant. Ita *Fabijs Caracciolum* è Ducibus montis Sardi, Sacrae Rotae Romanae Auditor, cum tractatum insignem de indulgentiis Patris Vivae Societatis Jesu Sacro-Sanctae Theologiae Neapoli Professoris Vincentio Mariæ Ao. 1699. inchoante anno jubilari, dedicaret, in sua epistolâ dedicatoriâ in ea verba verè satidica prorupit: *Dumque vel dignitatem tuam Eminentissime Princeps, vel rerum a te gestarum amplitudinem, animo complector, non sine aliquo fortasse Numinis afflatu, sic statuendum censeo, te qui nunc libros de anno Sancti Jubilæi privatis auspiciis ad publicam utilitatem foro committimperas, post quinque lustra Pontificia authoritate diploma de Sancto anno indicendo promulgaturum.* Sub finem, postquam inventum Divi Bartholomaei corpus Ursino gratulatus fuisset, haec plena veritatis verba subjungebat: Erit, erit profecto dies, quo die vices alternante Numine, ut tu Bartholomaeum magno nisu sibi ipsi restituisti, sic te Bartholomaeus prof se sibi rest tuto, Romanis in arcibus statuet, & sine nisu in Vaticanum deducet. Augurium tam felix & faustum Christiano Orbi ex tuo ipso nomine in Oraculum purissimum Anagrammaticis Auspiciis deducto sumitur.

En Programma!

*Vincentius Maria ursinus Dominicanus.*

En Oraculum!

*Vir Mirus scandi in Vaticanum sine nisu.*

Enimvero *Vir Mirus!* qui profundissima humilitate tam procul ab ambitu absuit, ut electus *Summus Pontifex* manantibus per aliquot horas copiosis lachrymis, & seniles genas purpurantibus, hanc a se dignitatem amoliri connitteret. *Vir mirus!* Qui cum omnibus praesesset, Generali Ordinis Magistro subesse voluit, tunc demum eam dignitatem admittendo, cum is efficacissimis verbis assereret, Dei Ordinationi amplius resisti non debere. *Vir mirus!* qui propria voluntate abdicata, solum Dei nutum sequendo, in haec demum verba, cedro & auro insculpenda eruperit: *Fiat Voluntas Dei. Vir mirus!* Qui in gestatoria sella ad ædes Apostolorum Principis delatus, jam præforibus est suggestu descendit, in genua se submisit, & Sacra limina submississimo osculo, velut undequaque indignissimus libavit. *Vir Mirus!* qui opere & verbis efficax, primum sermonem, quem ad Sacrum Collegium 12. Jul. mira facundiâ habebat, in haec

verba humilitatis plenissima inchoavit; *Venerabiles fratres! Est quidem Divinis institutionibus tradditum, ut glorietur frater humilis in exaltatione suâ Isaiae lib. 9. quò dextera Domini magnificetur in laude, & qui dixit de tenebris lucem splendescere, mirabilium suorum gloriam in figmenti infirmitate luculentius ostendisse videatur; Nos tamen dignis ministerio Apostolico virtutibus, nostrisque reatâ conscientiâ pavidos vicem, magis nostram dolere decet, atque à judiciis ejus potius timere, quâm de exaltatione gloria: propterea cùm primum de sollicitudine omnium Ecclesiarum nobis imponendâ agere cœpistis, meritò verebamur, ne Deus terribilis super filios hominum elevans allideret nos, ac ne fortiora suscipientes, inconcuso pondere contereremur; at verò cùm ingenti metu perculsi ministerium nostræ imbecillitati jure formidandum detredaremus, mira illa & officii plena fraternitatum vestrarum consensio certissimò nobis argumento fuit cœlestium mandatorum, quibus nefas esse duximus diutius obliudari. &c. &c. Vir Mirus! qui in eô unus est, ut discordantes Europæorum principum animos amicabili concordia conciliet. Vir Mirus! qui morum suavitate omnium voluntates attrahit, quem Regia Austria reveretur, cui in Nepote Gravine Duce in Sacri Romani Imperii Principem creando, sua obsequia defert. Vir denique mirus! qui levi & parabili victu contentus, paupertate magistrâ in tantum excrevit. Gratulor tibi Santa Mater Ecclesia, quæ tanti Pontificis austæ es gloriâ, qui dabit Salutem in Israel. Is enim LeVabIt SIgnVM In nationes, & CongregabIt (Deo & tibi) profVgos Israeli. Erit si Malachia fatidico fidem adhibere velimus, Miles in Bello; Non qui super strata hostium cadavera trophæa erigat, aut purissimas manus innocentum sanguine imbuat, aut in campis coesorum ossibus albescentibus triumphabundus exultet; sed qui orco pia bella moveat, qui repullulan tem errorum hydram novus Christianus Hercules sub iugum mittat, quo Sacro Imperatore orbis videat & miretur Romanam triumphantem. Scilicet*

Erit noVVS aC bonVs MILes In popVLo DeI.

Erit strenVVs aC aCerrIMVs VerItatIs Defensor.

Erit ECCLeSIAstICæ DIscipLInæ aC LibertatIs ZeLosVs & InDefensVs restauRator.

DebellabIt hostes In ManV extentâ atqVe braChIo FortI.

Denique Serenissima Vriginorum Domus in insignibus præfert stellam, benigno influxu omnia refocillantem; candentia lilia, indubie animorum puritatem denotantia; Turrim, securitatis asylum; & purpuream Rosam;

vel ut hæc florum Regina non impar regibus stemma comprobet,

vel ut odorifera suavitas virtutum fragrantiam indicet, vel ut ex

Rosâ inter Spinas enatâ suavitatis basia exspectet, quis-

quis amat, aculeos, quisquis im-  
meritam lædit.